



Arubaanse Courant

Anja 26.

DIABIERNE 12 JUNI 1964

No. 5056.

ATROBE TIN CAREDANAN CLANDESTINO DI AUTO RIBA BOULEVARD

ORANJESTAD, 12 Juni - Dialuna anochi ultimo un gran cantidad di persona por a preseneia ariba e pida boulevard for di Basi Ruti pa Malmok un careda clandestino di auto cual a worde teni e anochi ey. Cu velociadnan di casi dos cien kilometer pa ora dos auto a bula ariba e pida caminda aki.

Lo minimo contra tiempo por a causa un desgracia fatal kizas no unicamente pa e corredornan pero tambe kizas pa algun di e mas o menos un mil persona cu tabata preseneia e careda. Segun nos a worde informa pa banda di Aruba Racing Association, nan no tin nada di haber cu e carreda aki.

mentars cu dialuna anochi ultimo, piratanan cu auto a haci uso, y mal uso di e Boulevard, tamars anochi nan intencion tabata pa bolbe haci esaki. Pero como cu nan a ripara cu nan tabata worde vigila nan a hanja cu e anhor pa nan no sigui cu e carreda. Buscando informacion cerca Aruba Racing Association cantante di e caredanan clandestino aki, nos a worde sigura cu e directiva di A.R.A. no tin nada di haci cu e caredanan aki di cual nan sabi si cu a tuma lugar ultimamente.

Contrario segun nos a worde informa, directiva di A.R.A. ta sumamente preocupada e desaroyo aki. Segun A.R.A. nan no tin control ariba esaki y tampoco autoridad tin control aki riba, door di cual e consecuencia di e caredanan aki por resulta fatal, como kizas personanan incapaz lo ta corre clandestino cu e riesgo grandi cu e final por ta desastroso.

Pero si nos a worde informa pa parti di directiva di A.R.A. tambe cu durante ocho luna nan a logra mantene tal caredanan clandestino for di caminda door di haci esnan interesa pa pusta auto, bira miembro di nan organisacion door di cual inmediatamente nan ta cal bao di e reglamento nan di A.R.A. cual entre otro ta prohibi pustamento clandestino y si esaki toch tuma lugar e miembronan ta worde geschors.

Pero segun nos vocero, e miembronan durante tur e tempo ey a domina nan mes y a mantene nan mes na e reglamentonan como cu nan tabata sumamente entusiasma di e contesta cu nan lo ricibi for di autoridad. Sin duda di un manera of otro nan tabatin confianza cu awor cu nan a acerca autoridad francamente nan lo hanja un yudanza concreto. Pero awor nan a hanja e impresion cu e directiva di A.R.A. lo no logra nada y asina a perde nan

FATUM

Pa tur bo aseguranan
Tel. 1845.

confianza den esaki. Tal desconfianza, awor segun e directiva por ta causa cu cierto miembronan sin embargo di reglamentonan stricto a dicidi di tene caredanan clandestino.

Directiva di A.R.A. ta desaproba e actitud aki completamente y si tin miembronan cu a viola e reglamentonan, medidanan lo no laga di worde tuma si ta posibel.

Nos vocero a sigui bisa cu e directiva no a perde speranza cu nan lo hanja un pista pa tene nan caredanan, nan ta trahando duro ariba esaki y ta muestra cu pronto cu e apoyo y cooperacion berdadero di autoridadnan nan lo logra di tin nan pista

pa tene caredanan masia pronto. Alavez nan tin contacto tambe cu cierto personanan di exterior cu ta interesa pa inverti capital den un pista cu capacidadnan pa tene caredanan internacional na Aruba.

BISANOS

E motibo pakiko mi ta haya "Arubaanse Courant" un diario asina bon, ta pasobra e ta completamente na papiamento, servidor grandi di nos pueblo, scirbidor di berdad partidario of no-partidario, un courant cu ta duna conseho y un felicidad pa tur hogar aki na Aruba.

Julio Croes,
Matividiri 32,
Paradera.



SABOR CU NUNCA TA
VARIA

IT NEVER VARIES.

ACCIONISTANAN "OLDE MOLEN" TA TEMA BANCAROTA

Oranjestad, 12 Juni. - Senyor Th. Paalman cu un minsamento di e siman aki como director di e restaurant "Olde Molen" na Miami Beach a hanja un deurwaardersexploit di dos accionista, den cual e ta worde bisa pa ultimo e siman aki tene un reunion di accionistanan, sino un grupo di accionistanan lo haci esaki; motibo di e paso aki ta cu tin un inkietud grandi entre e accionistanan tocante di e resultatonan di e restaurant y hasta e miedu cu probablemente lo tin un bancarota.

Segun nos a worde informa for di banda di accionistanan un lista di cifranan a muestra cu e produccion di "De Oude Molen" na anja 1963 tabata mas cu treinta por ciento bao di esun di e anja anterior, mientras cu e promer luna di 1964 ya ta binti por ciento di e mes un luna di anja pasado. Nan a muestra nos con anja pasa caba gobierno door di duna un credito hypothecario di cien y cincuenta mil florin a scapa e empresa for di un bancarota. Gobierno a haci esaki considerando consideracion cu e accion turistico di e empresa aki. Pero parse cu atrobe e empresa tin debe te na su garganta. Como cu e accionistanan a

tende cu den cierto circulonnan ta worde bisa cu e lugar lo bati bancarota e grupo aki a dicidi pa nan mes investiga e asintonan den un reunion general di accionistanan. Esaki na promer lugar como cu e accionistanan fuera di circulonnan gubernamental no a hanja e resultado di anja 1962 mira ainda, corda esun di 1963. Y alavez nan ta di opinion cu pasa loke pasa mester scapa e lugar for di un bancarota, como cu hopi invertidornan local cu anteriormente a muestra cu nan tin confianza den futuro di Aruba y tabata di acuerdo pa muestra esaki tambe cunprando algun accion di "Olde Mo-

len" door di esaki lo ta enganja. Si y hasta nos informadornan ta di opinion cu un bancarota di e lugar aki lo no laga di tin su mal influencia cu esfuersonan den futuro pa interesa e comunidad local pa linca capital den sierto proyectonan lo no tin exito. Como cu e accionistanan aki kier studia e situacion amplamente y delibera tocante di esaki como y alavez tambe nan ta di opinion cu tin posibilidad cu fraude a worde cometi den e empresa. nan ta tratando di obliga e raad di riopayama un reunion di accionistanan. Segun nos a worde informa for di e banda aki nan kier propone algun cambionan drastico, y no solamente loke ta tratadi e personal cu ta traha eyden. E grupo aki alavez no ta mucho contento cu e capacidad y trabao cu e manager actual a haci te awor.

E director di empresa, senyor Paalman, a declara na nos en cuestion cu esaki, cu si e reunion lo tuma lugar of no ta depende completamente di e gobierno di Aruba como interesado cu tin mas di bisa den e asunto aki. Senyor J. Eikelenboom kende ta representa gobierno den e raad di comisarionan, a declara si e minimo necesario di accionistanan pidi pa tene un reunion di accionistanan anto esaki enberdad lo tuma lugar. Mas comentario e no kier a duna tocante esaki.

Promer carchinan liber pa "DeVeer L.L.Park

ORANJESTAD, 12 Juni - Diarazon atardi banda di seis'or y mei a tuma lugar un ceremonia chikito na restaurant Trocadero, caminda senyor Morris Serphos como presidente di Little League oficialmente a duna muestra di gradicimento pa e trabao cu e compania Canadiense a haci pa Little League en coneccion cu e terreno nan a hanja for di De Veer na Dakota pa practica deporte di baseball.

Pa parti di Mac Namara tabata presente senyor Douglas Monoham general manager di e compania na Aruba. Tambe tabata presente senyor Osbaldo Croes pa parti di gobierno kende a duna su yudanza cu Werkversehaffing pa limpia e terreno completamente.

Senyor Serphos na e ocasion aki a entrega na senyor Monoham un carta den cual directiva di Little League ta gradici e compania Canadiense pa nan bunita cooperacion. Alavez el a entrega tambe na representante di MacNamara e promer carchi pa un entrada gratis den e baseball park di Little League. Un bandera di Little League tabata tambe un recuerdo na senyor Monoham. Tambe senyor Osbaldo Croes a ricibi un earchi di entrada gratis y un bandera di Little League.

PRONTO FIRMAMENTO PROMER C.C.T. DI U.E.A. CU ELMAR

ORANJESTAD, 12 juni - Manera nos a scirbi anteriormente caba, ultimamente despues di deliberacionan durante como cinco luna largo, Union Electricista Arubano y E.L.M.A.R., a bin cla cu un combenio colectivo di trabao cual pronto despues cu algun cambio den statuto di e union menciona, lo worde firma pa e dos partidanan y lo drenta na vigor pa un di juni 1964. Tur dos partida a declara na nos cu nan ta sumamente satisfecho y contento di e manera cu e deliberacionan a tuma lugar y e puntonan cu a worde tuma den e contract.

E deliberacionan pa e C.C.T. a worde teni mas o menos durante diez biaha na e oficina di ELMAR. Pa parti di ELMAR a tuma parti na e deliberacionan señor ir. F.D. Looman, señor J.H. Da Costa, y señor J. Persoon. Pa banda di Union Electricista a tuma parti señor Eddy Maduri, Leo Croes y Robert Naar.

E deliberacionan a cuminsa na medio januari ultimo. Ne puntonan principal cu a worde logra durante di e deliberacionan aki ta mas o menos lo siguiente:

Un fondo medico pa familia di e empleadonan pa cual ochenta por ciento di tratamiento medico y medicina lo worde paga dos bez pa aña.

Un aumento di salario. Reglamentu pa ora di malesa y desgracia di empleadonan. E porcentahe pa esaki ta mas halto cu loke ley social di Antillas ta stipula.

Vacacion extra. Cada cuatro aña diez dos dia extra di trabao, mientras cu esnan cu tin mas cu diez cuatro aña ta traha ta hanja binti cuatro dia di trabao extra. Esta cada cuatro y cada diez cuatro aña e vacacion aki ta bin na vigor.

Pago di tres luna, completo di salario na bida den caso di accidente fatal. Aumento di salario cada biaha

Marcelino Victoria a salba hobencito

ORANJESTAD, 12 Juni - Diarazon atardi banda di un cuarto pasa di cuater a worde avisa na polis cu un hobencito di ocho anja a hoga na Pova. A resulta cu e hoben A.V. di ocho anja a worde saka for di awa pa e caballero Marcelino Victoria di Ponton ochenta y siete y door di aplica suspiro artificial na e hoben a logra salba bida di esaki. E hoben a worde hiba despues hospital pa observacion.

Segun nos a worde informa parse e hobencito aki e atardi a hanja placa di su mama pa e bai serca barbero pa corta cabel. Na lugar di esaki e hoben a usa e placa pa un transportacion pa Pova Beach caminda el a dicidi di tira un sambuya den e awa fresco. Esaki casi a causa su bida.

Gobierno Angoles en exilio reconoce

DAR ES SALAAM, 12 Juni. - E comision di e organizacion pa unidad Africano payudanza na libertacion di territorionan Africano independiente a reconoce e gobierno en exilio di Angola bou di direccion di Holden Roberto. Asina e minister di exterior di e republica uni di Tanganjika y Zanzibar, Oscar Kambona, a participa ayer nochi.

cu costo di bida subi mas cu tres por ciento cu e tabata na ora di firma contrat.

E ultimo punto menciona aki pa tur dos banda ta worde considera como e punto di mas importante pa e contracto colectivo. Esaki tabata mas o menos e puntonan di e contracto colectivo cual pronto lo worde firma oficialmente y cu lo drenta e ora na vigor entrante di promer di juni ultimo.

For di parti di Union Electricistas Arubano nos a worde bisa cu nan ta sumamente contento cu e manera cu e deliberacionan cu ELMAR a tuma lugar. Especialmente pa e directiva na Aruba bao di direccion di señor Looman nan tabatin hopi palabra di elogio y hasta a yama señor Looman, "un ehemplo pa e otro dunadornan di trabao na Aruba". Segun e informador di U.E.A. a sigui bisa, "nan a negocia na un manera honrado y cu respet pa dignidad di e trahadornan.

Comite di damas pa fondo di "Misses"

ORANJESTAD, 12 Juni - Diarazon ultimo a keda forma un comite di damas cual lo asisti den e colectamento di fondo pa e representacion di Lydia Henriquez y Mary Croes, respectivamente na e concursionan di belleza, di Miss Universe y Miss World. E comite aki ta consisti di e damanan, Sra. Aura Croes, Sra. Mosa Whitfield, Sra. Maria Theresa Croes, Srta. Trina Arends y Sra. Magarita Luidens. Dentro di corto nan lo tin plan di campanja con nan lo colecta e fondonan necesario. E comite aki lo asisti e comite cual ultimamente a worde forma y ta consisti di president Sr. Clinton Whitfield.

Incidentena racial na Florida

ST, AUGUSTINE, 12 Juni - Ayera nochi polis na St. Augustine den e estado Mericano Florida mester a actua cu bomman lactri-mogeno y cachonan contra hendenan biancu, cu tabata benta piedra riba 400 participante na un marcha door di e ciudad como protesta contra descriminacion racial.

Mas o menos cien hende biancu a trata na kibra e cordon di polis pa ataca e demostrantenan. Esaki a logra parcialmente. Algun demostrante y un polis a sufri heridanen di piedra. Diamars anochi tambe hendenan biancu a trata na piana 300 demostrante, mayoria di nan hende colo, for di otro.

E lider di e hendenan di color domi Martin Luther King lo pidi president Johnson pa manda trupanan na St. Augustine pa mantene orden eynan.

Recorda papa dia 21 di juni venidero



CU UN BUNITA
*camisa, carson,
dashi, etc. etc.

for di nos extenso surtido.

La Linda


NOBO NOBO NOBO
Nassastraat 34.

Nos a caba di ricibi Dacron-Volle nobo, cu disenjos henteramente nobo. Algo nobo: Linnen cu Seda pa bistir, di bon calidad, y den bunita color. Bin weyta nos "Silk Chiffon" awor, den tur color. Y nos prijsnan semper ta mas abou.

E regalo ideal pa..



DIA DI TATA



Descuento especial
di

10%

riba tur regalo pa
DIA DI TATA.
Cumpra di bo awes
mes na

ARUBA HARDWARE C.V.
(Brenchi)

PAPA MERECE UN REGALO UTIL DIA 21 DI JUNI!



HACI UN SELECCION FOR DI NOS
EXTENSO SURTIDO.

e. o. nos tin:

*BARBEQUE GRILL
*BARBEQUE SET DI FORKI
*RUGSTOEL
*REKKI PA DASHI

*JABERA, masha bunita.
ICE CHEST
*DESKI LAMP

No spera te na ultimo momento, pasa tan pronto posibel na e. o. nos tin:

ACME STORE

San Nicolas.

Tel. 5381-5384.

GRADICIMENTO

Pa medio di esaki nos kier gradici tur bisinja, familia y conocirnan cu di un manera of otro a muntra nan atencion durante enfermedad y na ora di morto di mi querida esposa y nos mama

BERNADINA WERNET

(Q.E.P.D.)

Particularmente nos kier gradici dokter y zusternan di San Pedro Hospitaal.

Na number di:

su esposo Hein Wernet,

junan: Modesto Farias, Helena Koolman - Wernet y Cornes Wernet.

E Cas Di Bo Sonjo na prijsnan practico



cu materialnan di construccion di calidad y na prijs atractiva, esey ta solamente na

PETRONA & CROES (ARUBA) N.V.

Cumpra bo tairanan

Continental

awor y laga nos
monta nan

GRATIS pa bo.

Tur tamaño na existencia.

E. & G. MARTIJN
(ARUBA) N.V.

Havenstraat 10-12
tel. 1492 - 1493

S.V. S.C.A.

TA OFRECE UN -
PICKNICK BAILABLE NA PLANTAGE TROMP, ANIMÁ PA "PARADERA STEELBAND" Y "CAHA DI ORGEL".

DIADOMINGO, 14 JUNI
FOR DI 10'OR A.M. -
6'OR P.M.

ENTRADA: CABALLEROS FL.2,
DAMAS GRATIS.



**ESTA
NOCHE**

Transmision en Español
de la peles

**LUIS MANUEL
RODRIGUEZ
VS
EMILE GRIFFITH**

a través de

**RADIO
KELKBOOM**

a las **9.20 PM**



Presentación de la
**CABALGATA DEPORTIVA
GILLETTE**

Boxdonan Dominicano pa Olympiada A.S.U.

(Di nos redactor deportivo)

ORANJESTAD, 12 Juni - Di parti directiva di Aruba Boxing Association nos a worde informa cu cablegraficamente, e federacion di boxeo amateur di Sto. Domingo a confirma participacion di cuatro bokso amateur Dominicano. Esakinan lo tuma parti den e programa di Olimpiada A.S.U. cu lo cuminsa na principio di otro luna.

E boksdonan Dominicano ta e siguiente: Julio Rosario, - peso pluma 126 liber di 18 anja, Rafael Martinez peso liber 135 liber di 19 anja, Rafael Babera peso welter 147 liber di 17 anja y Minguel Galvan peso medio, di 160 liber di 18 anja.

Hinkamento serio na Oranjestad

ORANJESTAD, 12 Juni - Diarazon atardi banda di tres or a tuma lugar na Oranjestad un bringamento cu resultado grave. E caballero S. de C. di cuarenta y cinco anja a hinka un hoben di binti tres anja cu un cuchu. E victima mester a wordetransporta inmediatamente pa San Pedro Hospital pa tratamiento medico. E cuchu a worde hinka den e peche di e hoben y a bora un long pasa pega cu e curazon. Recherche ta investigandoe caso.

Hombera be be veneno

ORANJESTAD, 12 Juni - Diarazon a worde avisa na polis di San Nicolas, cu den un cierto cas na San Nicolas tabatin un homber drumi cu tabata hopi malo. Polis cu a acudi na e lugar menciona en berdad a encontra e caballero L.H. kende tabatin simtonan di a venena. Inmediatamente polis a transporta pa Lago Hospital pa tratamiento. Probablemente e caballero aki tabata fada di su bida y a bebe veneno. Su situacion te ainda ta grave.

Como manager y entrenador ta bin Apollinar Garcia. Number di e delegado sinembargo na ta conoci ainda. Pa selecciona e pugilistanan Arubano cu loenfrenta e Dominicanan aki lo worde teni un eliminacion dia 22 di juni organisa door di Aruba Boxing Association.

Hortamento na Lago

SAN NICOLAS, 12 Juni - Ayera marduga a worde avisa for di Lago cu tabatin arriba e tereno di e compania hortamento di verf y kwashi. Recherche cu a investiga e asunto a logra di poco despues detene un tal E.J. y H.R.F. di respectivamente trinta y tres anja. Esakinan a worde hiba warda caminda nan lo hanja un proces verbaal.

Auto a dal hobencita

ORANJESTAD, 12 Juni - Diarazon atardi un cuarto pasa di seis a tuma lugar den Nieuwstraat na Oranjestad un accidente di trafico. Aki e hobencita L.P. di ocho anja a worde gedol pa e auto A-4551 maneha pa J.F. cu ambulanza e hobencita mester a worde transporta pa San Pedro Hospital cu raska na curpa y su weso di hombro kibra. Parse cu e mucha muher a cruza caminda di ripiente for di tras di un auto para.

Banda di un cuarto pa diez diarazon anochi a tuma lugar den Rooi Taki un dalmento di auto. Ta trata aki di B-29 maneha pa P.C. cu a worde gedol pa e auto A-4296 cu a sigui corre. Mas despues e auto aki a worde hanja na Sabana Basora. Probablemente e chauffeur cu no por a worde hanja na e momento tabata un tal F.C. Danjo material na e autonan ta cinco cien florin.

Vier Azen Fiesta

Hier is Pan Am's Nieuwe Package Tour in het Caribisch gebied!

Dominicaanse Republiek, Puerto Rico, Curaçao, Aruba

Belastingvrij winkelen... Casino's... Exotische keuken... Nachtclubs in Amerikaanse stijl... Jagen... Vissen Een Fiesta!

Uw vacantie omvat:

- Retour per Jet in Economy klasse vanaf Aruba
- 8 dagen in werkelijk luxe hotels
- Vervoer luchthaven - hotel - luchthaven
- Excursies in alle plaatsen
- Ontbijt en diners in Puerto Rico en Curaçao

Alles inclusief prijs, per persoon (in tweepersoons kamer): F.406,40!



Vraag de gratis folder met alle details bij Uw reisbureau of bij S.E.L. Maduro and Sons Inc.



's Werelds meest ervaren luchtvaartmaatschappij

S.E.L. MADURO & SONS - Generaal Agent Curaçao - Aruba - Bonaire



TUR COS MESTER BAI

kapmento di prijs ta sigui **BARBARAMENTE!!**

TUR DIA MERCANCIA NOBO TA WORDE TRECI ACERCA. TAMBE PA DIA DI "TATA" BON OPORTUNIDAD PA HANJA ARTICULONAN DI CALIDAD NA PRIJSNAN FAVORABLE. BISTIR PA DAMAS, PA MUCHA MUHER, PA MUCHA HOMBER Y TAMBE PA BABY.

MANSUR TRADING

(bao direccion NOBO)

Prohibicion contra fabricante di ice-cream a worde anula

ORANJESTAD, 12 juni - E prohibicion contra di un fabricante di ice-cream local, cual prohibicion a worde duna door di hefe di servicio di sanidad publico pa stop cu e produccion, bendemento y transportacion di ice-cream y otro productonan di leche, ayera malnta a worde anula. Un dia anterior ya caba e prohibicion pa traha y bende palo frio a worde anula.

Manera nos a anuncia anteriormente caba e prohibicion aki a worde duna dia pomer di juni door di hefe di servicio di sanidad y dia ocho di e mes un luna aki el a worde confirma

pa polis., esta e hefe interino di polis. Pero despues cu cierto cambianan y garantianan a tuma lugar door di cual por accepta cu tal fallonan higienico lo no tuma lugar mas, a wor-

de dieidi ayera cu por anula e medidanan tuma. Proces verbaal no a worde traha contra di e fabricante y e intencion pa cuminsa un caso judicial contra di autoridanan segun nos a worde informa, no ta sigui mas, como cu tur dos partidanan a dieidi di regla e asunto sin mas dificultad.

Caribe 37 YMCA 6

(Di nos redactor deportivo)

Diarazon anochi riba cancha di Aruba Jrs. E equipo di Caribe a derota Y.M.C.A. cu score di treinta y siete pa seis den un partida di clase B masculino.

Franciscusgroep a gana wandelmars

ORANJESTAD, 12 Juni - Diarazon atardi a tuma lugar na Oranjestad e wandelmars cu annualmente ta worde organisa door di Kinder en Zeden Politie pa e muchanan di school di Aruba.

Apesar cu e anja aki e schoolnan di San Nicolas no a participa na gran cantidad manera anja pasa, sin embargo como

un dos mil mucha homber y mucha muher a canna for di Wilhelmina Stadion caminda e wandelmars a cuminsa door di callanan di Oranjestad.

Pa termina hunto atrobe na Wilhelminastadion. Yendi entusiasmo marchando y cantando e hobennan a participa na e acontecimiento aki organisa pa Kinder en Zeden Politie bao di guia di senjor Nagtegaal y senjor Schouten.

E premionan a worde entrega door di senjor inspector di polis De Wijs na e Wilhelmina Stadion. E resultado tabata como lo siguiente:

1. Franciscus Verkennergroep
 2. Sint Anna School di Noord
 3. Huishoudschool di Santa Cruz
- Mientras cu notacion honorario a worde duna na Rosario College y Margriet School.

Merca no mester stop vuelonan riba Laos

REUTER, 12 Juni. - E lider di e agrupacion derechista na Laos, general Nosavan, a bisa prensa, cu ta posibel cu no por pone un fin na e vuelonan mericano. El a agrega, cu otro personanan den gobierno kier pa sigui cu e vuelonan. E comandante di e ehercito neutralista, general Kong Lae, a bisa cu e ta desea pa Merca manda mas avionnan bombardero cu reaccion a chorro y avionnan cazador pa destrui e posicionnan hostil.

Tambe e paisnan di mundu liber lo mester yuda Laos pa keda neutral, door di manda trupa, armanan y avionnan. General Kong Lae diferente biaha a pidi prins Soevanna Phomma pa trupanen di exterior, pero e no a haya contesta. Observadornan diplomatico ta di opinion, cu e premier di Laos a dicidi di laga pone un fin na e vuelonan di Merca pasobra e ta teme un guerra manera tabatin na Korea. De legacion di e comision internacional di control na Laos, cua sali cu helikopter pa Chang-Kay,

cuartel general di Pathet Lao pa un entrevista cu prins Soepha - noevong a bolbe Vientiane pa motivo di mal tempo. E yobida den e territorio di Chang-Kay tabata asina hopi, cu no apor a haci un aterrizaje. Awor e delegacion lo bai otro mayan na e cuartel general di Pathet Lao.

Deliberacion secreto tocante Air Union

BRUSSEL, 12 Juni - Ayera a cuminsa na Brussel e lucha tocante e parti cu KLM lo tin den "Air Union" e organisacion, den e companianan nacional di aviacion di e seis paisnan di EEG ta bai coopera cu otro. Deliberacion secreta entre representantenan di gobierno di Francia, Alemania, Italia y e tres paisnan di Benelux huntu cu representantenan di e companianan "Air France", "Lufthansa", "Alitalia", "KLM", "Sabena" y "Luxair" te awor aki no a duna ningun resultado. E deliberacionnan probablemente lo worde continua e luna aki mes. E asunto di "quota" ta e problema principal cu ta stroba formacion di "Air Union".

Fusion entre banconan Amsterdam y Rotterdam

AMSTERDAM, 12 Juni - E directivanan di banco di Amsterdam NV y banco di Rotterdam NV durante e ultimo lunanan a liba deliberacionnan profundo tocante e necesidad di un fusion entre nan institucionan. Nan a yega na e conclusion, en completo acuerdo cu e respectivo consehonan di comisarionan, cu un union entre ambos instituto ta ofrece e mihor garantianan pa cumpli mihor cu nan tareanan y un fuerte continuacion di desarrollo asina a worde participa awe mainta - na un mitin di prensa.



President Charles De Gaulle di Francia aki huntu cu e embahador di China Popular, Huang Chen, e prome embahador di China Popular na Francia.



E holoshi
ariba cual mundo a sinja confia.

SPRITZER + FUHRMANN
JUWELIERS - HORLOGERS - OPTICIENS

ARUBA - BONAIRE - CURACAO - ST. MAARTEN - NEW YORK

DECLARACION DI ERHARD

OTTAWA, 12 Juni. - Canciller Erhard di Alemania Occidental a bisa ayera na un mitin cu prensa na Ottawa, cu rumornan tocante un encuentro entre e y Chroestsjef ta especulacionnan. Pero esey no ta quita cu un tal encuentro no tabata posibel. Erhard a bisa tambe, cu gobierno di Alemania Occidental a haci tur loke ta posibel pa kita e desconfianza di paisnan comunista na Europa contra republica federal y occidente. Su gobierno no ta contra un reconocementu di e gobierno na Peking, pero e ta di opinion, cu un desicion tocante e asunto ey por worde tuma te despues di e deliberacion cu paisnan di Occidente, especial cu paisnan cu ta miembro di NAVO.

Finalmente Erhard a acentua, cu Alemania Occidental a bandona plan di produccion di tur armanan nuclear, bacteriologico y quimica manera ta conoci Erhard, despues di su bishita na Canada lo sigui pa Washington

Yudanza di Merca na exterior

washington, 12 juni - E Camara di delegados na Merca ayera sin cambionan importante a aproba e proyecto di ley pa yudanza na exterior. E proyecto ta provinsiona un credito di 3.5 millon dollar pa financia e programa pa aña fiscal di prome di juli awor te 30 di juni otro aña. E proyecto a worde aproba cu 230 contra 175 voto. President Johnson a bisa cu e credito cu el a pidi ta e suma minimo cu ta necesario. E suma cu a worde aproba ta un millar dollar menos cu loque president Kennedy a propone pa e aña corriente di presupuesto.

Comfort



Y
TRANKILIDAD
TA LOKE AIRCO
TA DUNABO!

Rapport tocante debenan di Brazil

PARIS, 12 Juni - Na e ministerio Frances di finanzas e delegacion Brasileno, cu tabata bou di direccion di e embahador Brasileno na Suisa, a liba deliberacionnan cu e paisnan creditor di Brasil. Circulonan di e ministerio Frances di finanzas a participa, cu e delegacion probablemente lo entrega un rapport tocante e medidanan, cu a worde tuma pa stabilisa economia di Brasil. E delegacion kier trata pa haya e encargo di pago di debenan te na un suma di tres millar dollar distribui riba un termino mas largu.

Segun portavoznan e resultado di e deliberacionnan lo depende di e caracter y contenido di e rapport.

Gobierno Brasileno, a pidi su paisnan creditor, entre cual tambe Ulanda, pa trece un cambio di e programa pa paga e creditonan back, di cual mas cu mitar lo caduca na 1964 y 1965.

Proceso na Pretoria contra africanonan

PRETORIA, 12 Juni - Un tribunal na Pretoria a haya George Mandela y cinco otro miembro di e "Altu Comando Nacional" culpable na e principal acusacion contra nan, esta sabotage.

Tabatin cuater acusacion - contra nan. Mandela, mescos cu Walter Sisoele - e ex secretario general di e Congreso Nacional Africano (organizacion prohibi na Sur Africa) - a worde haya culpable na tur e acusacionnan.

E arquitecto Lionel Bernstein di Johannesburg no a worde haya culpable. Pero ei a worde - arresta inmediatamente despues riba un otro acusacion.

E proceso a cuminsa nuebe di oktober anyu pasa, pero a worde suspende pronto pasobra e tribunal a haya cu e acusacionnan no tabatin suficiente - prueba. Diescuater dia despues e proceso a worde reanuda, cu material nobo di prueba.

Mayan e hues di e tribunal, Quarters de Wet, lo duna sentencia.


Jagan ta rechaza peticion Burnham

Georgetown, 12 Juni - Premier Jagan di Guyana Ingles a rechaza un peticion di e lider di e partido di oposicion "Congreso Nacional Popular", Forbes Burnham, pa tuma tur armanan di fuego for di particularnan. Dr. Jagan a duna como motibu pa su negacion, cu si kita armanan di fuego for di ciudadanonan di Guyana Ingles den e actual circumstancianan, pa cual nan tin un permit, esey ta igual na entrega nan no solamente na adror y asaltantenan arma, pero peor - ainda na e bandanan cu ta cara horta y saquea y cualnan desgraciadamente ta hopi na Guyana Ingles.

Ei a agrega, cu e peticion ey por worde tuma en consideracion asina cu polis y e organonnan publico di seguridad por garantisa un proteccion completo na e parti di poblacion cu ta desea orden. Tur hende tin derecho pa den caso di emergencia busca refugio pa defende subisa, su famia y supropiedadnan, asina Jagan a bisa.



E ULTIMO PALABRA DEN ESTILO PA CABALLERO DESTINGUIDO.



RECORDA PAPA CU UN REGALO PRACTICO Aruba Trading Company



Prins Bernhard a ricibi senjor H.W. Bergh, coleccionista di Roode Kruis di Hulanda den palacio Soestdijk pa duna su contribucion na e colecta anual di Roode Kruis.

Debate den senado na Merca a termina

WASHINGTON, 12 Juni - Senado Mericano cu 71 contra 29 voto a termina e debate tocante e ley riba derechonan civil. E tratamentu di e ley, a consecuencia di enorme discursonan di e senadornan di e estadonan den - Sur di Merca, a durar 75 dia. E proposicion na final e debat a haya cuater voto mas cu e cantidad necesario di dos tercera parti.

E ultimo senador cu a tene un discurso pa tarda e tratamen-

tu di e ley tabata Robert Byrd, un democaat di West Virginia, cu na votacion a tene un discurso di 14 ora. Ei a cuminsa su discursu anochi y a papia pa un sala cu tabata practicamente - bashi te su manice.

E proyecto no ta completamente cla den senado ainda, ya cu e senadornan no mag di papia mas cu un ora cada un. Tambe mester vota ainda tocante e cantidad di amandamentonan cu a worde entrega.

Si senado rechaza e ley ento e ta pasa pa un reunion conhuntada di senado y camara di delegado, unda mester elimina e puntonan di desunion. Ambos camara di parlamento mester vo-

tando nobo riba e ley e ora ey. Esnan cu ta na favor di e ley kier pa e worde firma pa president Johnson riba dia di independencia cuater di juli.

Compositor Gruenberg a fallece cu 84 anja

Hollywood, 2 Juni. - E compositor Louis Gruenberg a muri anta yera noch den un hospital na Hollywood despues di un ataque. E compositor, di 84 anja na su opera "The Emperor Jones" E tabata esun di prome cu a usa jazz y negro spirituals na composicionnan di concierto. Tambe diferente simfonia, y un concert di violon pa Jasha Heifetz.

Purificacion na Brazil

RIO DE JANEIRO, 12 juni - E partido social democrat na Brasil ayera a retira for di e coalicion di gobiernoden congreso como protesta contra exiliacion politica di su candidato pa e eleccionnan presidencial di otro aña oktober, ex-president Kubitschek. E partido, cu tin cien delegado y 21 senador y cu ta esun di mas poderoso den congreso, te awor aki a apoya e union nacional democrat derechista pa sigura un mayoria pa gobierno. Ei a worde forma pa president Goulart na april.

President De Gaulle Brancodia-luna a saca dr. Kubitschek for di senado y a kita su derechonnan politico pa un periodo di dies aña.

E social democratnan a abisa den un declaracion, cu a worde publica despues di un reunion na Brasil, cu ademas di Kubitschek hopi otro miembro di e partido ey den henter e pais a bira victima di grave injusticia.

MASCARUBA
ta presenta
Suert'i pushi pretu
den
CENTRO CULTURAL
na Oranjestad
DIABIERNE 12 DI JUNI
PA 8.15 p.m.
ENTRADA SOLAMENTE FL. 2,--

Aruba Boekhandel - Aruba Post - Boekhandel Mariska - Playa Lux - Texas Furniture Store - Toko Dakota - Shanghai Store San Nic. La Esperanza y serca miembronan di MASCARUBA.

Kaarchi pa e prome funcion ta cabando, si-gura bo lugar pa otro funcionnan en todo caso!



Un portret gracioso di e condesa di Kent cu su dos junan, e conde di St. Adrew cu ta sunchi su ruman chikito, Lady Helen Marina Lucy.



E avion stranja aki ta algu nobo di torza aerea di Merca. E ta e C-47 cu por transporta ocho militar mas mei ton di bom of raket. E velocidad ta varia di 75 pa 500 km pa ora y e tin mester di solamente 15 meter pa lamta y baha.

Ley anti-sabotage na Sur Africa lo caduca

CIUDAD DEL CABO, 12 Juni. - Probablemente e ley anti sabotage na Sur Africa lo keda fuera di ehecucion, ora cu su validez termina dia 30 juni awor. Pero e por drenta na vigor atrobe asina cu gobierno Sur Africano ta haya esey necesario a trobe. Minister di husticia Vorster a bisa awe den parlamento, cu e lo logra pa gabinete no prolonga e ley asina cu e caduca dia 30 di e luna aki.

E ley anti sabotage ta haci posibel pa gobierno tene personanan den arresto pa un periodo di noventa dia, despues di cual nan por worde detene atrobe. E ley a worde establece anja pasa mei, na cual goberno Sur Africano a declara, cu e ley ta intencion pa evita sabotage y terrorismo. E ley a introduci tambe pena di morto pa Africanonan cu trata di hul for di e pais pa worde instrui den exterior pa comete actonan di sabotage. Despues cu e ley a pasa parlamento, el a wor-

de aplica inmediatamente riba e lider di e congreso PanAfricano cu ta un organisacion prohibi pa goberno Sur Africano.

Na Sur Africa ningun hende a worde condena na pena di morto, pasobra e ta contra di apartheid awor aki no ni den pasado tampoco. E minister Sur Africano di husticia, Vorster, a bisa aweden parlamento como reaccion riba un resolucion cu a worde acepta ayera den conseho di seguridad, den cual nan ta pidi goberno Sur Africano pa tur esnan, cu a wor-

de condena na pena di morto of castigo di prison pa motibo di nan resistencia contra apartheid. Den ningun prison di Sur Africa tin hendenan sera, pasobra nana protesta contra e politica di apartheid, of pasobra nan no a apoya e politica ey of a duna resistencia contra e politica ni tampoco ningun hende ta worde limita den su movimientunan pa e motibu ey, asina Vorster a bisa. E minister a yama oposicion como testigu, cu na Sur Africa tur hende tin derecho di ta apartheid y di lanta un partido politico.

Indonesia kier nacionalisa?

DJAKARTA, 12 Juni - E agencia Indones oficial di Prensa, "Antara" a participa awe, cu goberno Indones ta cla pa tuma 102 plantashi Ingles over, cu ta plama riba henter e pais.

E oficina no a bisa di cua fuente el a haya e noticia, pero si cu e principal problema ta financiamentu di e plantashinan.

Goberno Indones recientemente a tuma algun plantashi Ingles di rubber y thee over.

E minister Indones di Bienes

PARTICIPACION DI PANADERIA DI HARRY BARENO

PIEDRA PLAT 44.

DIA 30 JUNI 1964 TA E ULTIMO DIA CU TA CAMBIA E PAPELNAN DI PAM CU LETTERNAN B SO Ariba DJE. TUR E OTRO-NAN TA SIGUI CAMBIA MESCOS. AKI DOS OF TRES LUNA MI TIN MASHINDI PRESS; MASHIN DI MIX, FORNU SEGUNDA MANO PA BENDE. DESPUES CU MI HAYA E EQUIPONAN AKI NOBO MODERNO CU POR TRAHA MAS ECONOMICO. SI PUEBLO DI ARUBA E ORA EY PAM TAMBE TA BOLBE BIRA MAS BARATA. NO SOLAMENTE BARATA PERO E MEHOR PAM DI ARUBA YEN DI VITAMINA CU TA BON PA HENTER BO FAMILIA.

PA BO PEDIDO DI PAM JAMA TEL. 1411.
H. BAREÑO.

ARUBA PESTS

CONTROL CO.

- * Extermination of household pets
- * Elimination of termites
- * Soil treatment
- * Free estimate on request.



Please call: 5039 - 5558.

Sitos, Frans Seda, a declara ayera nochi cu tumamentu over di plantashinan ta un asunto di principio pa goberno Indones y ta depende di e factornan politico y di e relacionnan entre Indones y e paisnan relaciona.

Expertonan ruso a jega Zanzibar

ZANZIBAR, 12 Juni - Ayera un grupo di expertonan Ruso, companya pa interpretenenan a jega Zanzibar pa tuma direccion di asuntunan di haaf y nabegacion over. Nan ta traha bou di contracto cu e goberno di Zanzibar.

DADDY'S DAY!



dunele un....

Camera Kodak INSTAMATIC



diferente model y den varios prijs

NEME

Columbustraat - O'Stad

Energia nuclear pa destila awa salu

MOSCU, 12 Juni - E corant Ruso Prawda ta scribi, cu e decision di Rusia, pa usa mas material nuclear pa finnan no militar, lo pone construcion di instalacionnan pa destila awa salu bini mas lihe.

E organo di partido comunista na Union Sovietica ta bisa, cu e stacionnan di destilacion lo ta enorme. Fabricanan cu reactornan nuclear e instalacionnan di destilacion. E reactornan lo produci electricidad tambe.



Miles di indionan a drenta awa di Canges ultimamente ora cu e shinishi di difunto premier Nehru di India a worde basha riba e riu sagrado.

Algun di e hendenan aki a hoga. Aki un polista trata pa laga e hendenan bai nan cas.

AGENDA

ARUBAANSE COURANT

diarlamamente cu excepcion di diadomingo
 subscripcion f. 3.25 pa luna edicion los 20 ct.
 edita pa:
 N.V. ARUBAANSE DRUKKERIJ - en UITGEVERS - en PUBLICITEITS MLJ.

Imprimí na:
 N.V. DRUKKERIJ "DE STAD"

Telefoon 1116 Directiva y redaccion, 2116 Anuncio y subscripcion.

Directeur hoofdredacteur: D. Wolff.

POR CUMPRAN ARUBAANSE COURANT NA E SIGUENTE LUGARNAN:

ORANJESTAD:
 BOEKHANDEL MARISKA,
 PIET SODA FOUNTAIN,
 REFRESQUERIA INGRID.

NA SAN NICOLAS
 NICOLAAS STORE,
 UNIC STORE.

NOTICIANAN DI WARD

Oranjestad: Botica Aruba Tel. 1080-1081
 San Nicolas: Botica San Lucas Tel. 5119.

CINE

De Veer: 8.30 p.m. "Opmars naar de Galg" 18 j
 Rialto: 8.00 p.m. "The Left Hand Gun" 18 j
 Principal: 8.00 p.m. "JUMBO" all
 Aurora: 7.30 p.m. "Varan, The Unbelievable" all
 Savaneta: 8.00 p.m. "55 Days at Peking" all

RADIO CARACAS TELEVISION

8.45 Senderos de luz
 9.00 T.V. Educativa
 10.30 Cosas de mujeres

11.15 El hogar y la moda
 11.45 Novela
 12.00 Noticias
 12.05 Show de Renny
 13.15 Se necesita una amiga
 13.35 Cortos
 14.00 Yo se lo vendo
 14.30 Documental
 15.00 Estudio de Hector Monteverde
 15.30 Perfecta ama de casa
 16.00 Mejias y sus muchachos
 16.45 Busque su marca
 17.30 Super Car
 18.00 Dan Bravene
 19.00 Trama
 19.00 Trama 30
 19.30 La Ley del revolver
 20.00 El observador Creole
 20.45 Pete y Gladys
 21.45 Victoria en el mar
 21.45 Las enfermeras
 22.45 Noticias
 23.00 Cine Americano

TELEARUBA

5.30 Cartoons
 6.00 Public Service
 6.30 Robin Hood
 6.45 Paplamento Newscast Live & Filmnews
 7.30 Gunsmoke
 7.45 Paplamento Sportnews
 8.15 Rufo Wever
 8.45 Highway Patrol
 9.00 English Newscast Live & Filmnews
 10.00 Perry Mason
 10.30 Colonel Flack

RADIO VICTORIA

6.00 Peticiones
 6.15 E. Bijbel Habri
 6.30 Ultimas Noticias
 6.45 Ecos del Cielo
 7.15 Bo Musica Favorito
 7.45 El camino de Victoria
 8.00 Canta Leo
 8.15 Mundo Femenino
 8.30 Ultimas Noticias
 8.45 Musica Di Banda
 9.00 Noticias español
 9.15 Melodias Del Alma
 9.30 Morning Melodies
 10.00 World News
 10.10 The Bible For You
 10.15 Through The Bible
 10.45 Organ Melodies
 11.00 Chapel Of The Air
 11.15 Novela Cristiana
 11.30 Melodias Di Merdia P.M.
 12.00 Ultimas Noticias
 12.15 Musica Sagrada

12.24 Thought For The Day
 12.30 World News
 12.45 Quiet Time
 1.00 Radio concert hall
 2.00 Reading Room
 2.15 Songs of Zion
 2.30 Quiet hour
 2.45 Radio revival
 3.15 World News headlines

3.45 Luz y Berdad
 4.15 Ultimas Noticias
 4.30 Musica Di Banda
 4.45 Noticias Español
 5.00 Informacio Di Gobierno
 5.15 Palabranan Di Bida
 5.30 Unshackled
 6.00 World News
 6.15 Haven Of Rest
 6.45 Listening Post
 7.00 Musical Interlude
 7.15 Off The Record
 7.30 Back To The Bible
 8.00 Musical Gems
 8.30 Niderlandse Nieuws
 8.45 Voor Zijn Glorie
 9.00 Klassieke Muziek
 10.00 Sign off

RADIO KELKBOOM

7.00 Opening
 7.02 Bon dia cu Alegria (Instrumental)
 7.30 Noticia Internacional (Amstel)
 8.00 Seleccion musical di disconan Latino Americano.
 8.30 Cumpleaños Feliz
 9.00 Noticia Social
 9.15 Peticiones Pa Telefoon
 9.30 Musica Instrumental
 10.00 Noticia Internacional
 10.05 Ritmos Latinos
 10.30 Programa de N. Habibe Jr.
 11.00 Noticia Internacional.
 11.05 Musica Norte Americana
 11.15 Musica Antillana
 11.30 Musica Varia
 12.15 Noticia Internacional --- (Schlitz)
 12.30 Musica Norte Americana
 12.45 Noticia Local (Viana)
 01.00 Musica Varia
 01.30 Mei ora cu Boleros
 02.00 Novela Repeticion
 02.30 Vonderzoekplaten programma
 03.00 Kinderprogramma
 03.15 Ritmos di Caribe
 03.45 La Macorisana & International Supermarket
 04.00 Musica cu Sabor Azteca
 04.30 Noticia Local (Heineken's)
 04.45 Cocktail Musical
 05.00 Danzones Cubanos
 05.15 Musica Varia
 06.00 Noticia Deportivo (Gillette)

06.15 Musica Varia
 06.30 Musica para la cena
 06.45 Voorlichtings Dienst A.V.D.
 07.00 Noticia Internacional na pap.
 07.15 Musica na Hulandes
 07.45 Musica Norte Americana (Instr.)
 08.15 Novela (Colgate)
 08.45 Musica Varia
 09.00 Musica Poesia y Composicion Antillana
 09.30 Musica Varia
 10.00 Sluiting.

CUMPLEANJOS

Dia 10 di Juni a celebra su 22 anja e caballero Juan Domingo Hovertsz, hopi felicitacion ta bin di su mama, tata, rumanan, Ida, Chela, Henita, Juanita, Domi, Mena, Maria, Rosa, Valle, sobrino Frank Nelson y demas familia.

Arestacion na Spanya

BARCELONA, 12 Juni. - Segun a worde informa na Barcelona polis Spanyo ayera a bolbe arresta algun comunista. Na Barcelona parce ocho persona a worde detene y na Madrid dos. Ta worde calcula, cu e arrestacionnan, cu cuminsa silman pasa diabierne y na cual te awor aki trinta persona a worde detene, ta intencion pa caba cu dos organisacion comunista na Spanya.

Marathon chikito di EEG na Brussel

BRUSSEL, 12 Juni - E conseho di minister di e comunid eonomico Europeo a dicidi na Brussel pa tene un "Marathon" chikito tocante e asunto di prijsnan di trigo.

E ministernan di agricultura di e seis paisnan lo reuni dia 25 y 26 di juni y dia 13, 14, 15 y 16 di juli na Brussel.

Segun e minister Belgo di agricultura, e president na turno di e conseho di minister, a declara e schema aki lo haci posibel pa e conseho expresa su mes prome cu fecha 15 di december tocante e plan Manshoit pa un prijs comun di trigo den EEG.

Explosion na Argel

ARGEL, 12 Juni - Awe mainta dos persona a muri den haaf di Argel y tres a worde herida ora cu un bom a explota entre algun sacu di correo, asina Radio Argel ta anuncia. Segun e emisora di radio e asalto a worde comete pa contrarevolucionarionan.

Den e edificio tabatin un segundo explosion, cu tabata menos fuerte cu esun prome. Segun e agencia di prensa, e paquete den cual e bomnan tabata, a worde transporta cu un bapor Frances for di Marseille. E palabra contra revolucionario ta worde usa pa Argel pa indica e sucesornan di Alt Achmed, cu na Kabilla ta hiba resistencia contra gobierno di Ben Bella.

Conspiracion na Honduras

TEGUCIGALPA, 12 Juni. - Autoridadnan di Honduras a participa cu nan a descubri un conspiracion contra gobierno. Un tal Eugenio Argueta a worde arresta. Den su cas nan a hanja un gran cantidad di arma y municion. For di e investigacionnan resulta cu e conspiracionnan kier a cuminsa un accion di violencia dialuna. Pero door di interveni na tempo esey a worde evita.

Ball a regresa

ANKARA, 12 Juni - E sub minister Mericano di exterior, - George Ball, cu a yega Ankara den anochi di ayera pa awe for di Atenas, a regresa Washington despues di deliberacionnan cupremier Inonu y minister di exterior, Erkin.

E sub minister Mericano ta trata mas pronto posibel pa haya un solucion na cual lo tene cuenta cu e interesnan di Turquia y Grecia.

Ayera noch president Makarios di Chipre a haci un yamamento ribe e ldernan di tur paisnan cu ta miembro di Naclonnan Uni pa utiliza nan influencia pa pone un fin na e continua amensanan di Turquia cu un invasion riba e republica Chipre.

Bebe Boca Chica

waak bao dje tapa ...y cobra bo premio!

Tortura di un amor NOVELA

No. 25.

"Awor e ta bai sconde Andrea promé", Condesa Hilla a bisa malociosa. "Hola Nicol" Mayoor Elmer a bin contra cu nan sorpresa. E ta un homber curpa grandi, cabey blond, y cu un cara joven, Esaki ta e tipo di homber cu muhé gusta, e Conde ta pensa. "Mi ta contento cu bo a bin prome cerca mi. Y bo a trece bo swa charmante tambe cu bo! Boso tur ta bon bin!" E acohida carinioso aki no tabata esun cu nan a spera. Hulla a drey mira e Conde. "Mi ta spera cu nos no ta stroba", Nico a bisa indiferente. "No, al contrario! tabata e contesta. "Bo tin bishita caba kizas?", e palabranan aki a sali cu rabla foy boca di Hulla. "Por ta cu mi sejora ta akinan?" "Pero naturalmente", e otro a contesta harlendo. "Andrea no ta un bishita. Casl e ta un parti di e trabounan di cas! Bin cu mi, ta

net nos tabata comodo sintá den sombra den e terras." A trobe Nico y Hulla a drey mira otro. Nan no ta compronde nada. "Hola Andy", el a cuminda e figura tur bisti na blanco cu ta drumi na grandi den un di e stoelnan. "Parce cu en berdad, e ta sinti su mes na cas akinan", Hulla a bisa cu odio. "Nos tin bishita Andy. Haclimi un fabor, y bay bisanan den cushina, e ora ey nan por percura pa algo di bebe!" Asombra Andrea a drey mira. "O!" "Bo no ta haya un pocoberguenza, cu bo ta pasando bo dia cu senjora di bo primo?" Hulla a cuminsa ataka mesora. Pero e mayoor no a sinti e puño, y el a cuminsa harl manera cu Hulla a conta un chasco masha pret. "O, mi merecé", el a contesta. "Mi mester a rondla hopi, prome cu mi topa cu Andrea." "Si, bo tin mester di dje, pa motibo di ehe-

rencia no?" E owonnan scur di e conde ta brillá. "Exactamente. Ta con bo por sa?" Sorpresa e mayoor a keda miranan. "Con mi sa? Esey si ta cos. Ademas ta mi herencia ta hungando un rol." "O, esey bo kier meen, Nico. Por fabor, no cuminsa papia di historia terribel ey. Ya Andy a contami caba. Ta kiko apasabotata, cu el a hinca algo asina den su ez? Ta casi increbel pa kere di un hende, cu semper tabata un persona inteligente." "Kiko Andrea a contabo?" "Mi Dios. Di conbo ta exitá asina? Bay sinta un rato!" Christoph, mi ta spera cu bo no ta tumami pa loco, y contami coy kens." A sombrá e mayoor a keda mlré. "Bon bisa Nico, mi no ta compronde kiko bokier meen. Dia cu Andrea a contami cu casl mi a bira propletario di Castillo Elmer mi a gradicl Dios, cu esaki no a sosede. Aml blba den e castillo di splrito ey! Brr. Notumami na malo, Nico ml sa cu bo ta stima e castillo. Pero ml cas ta ciudad, y ml amigonan di casino. Asina ta cu un castillo no ta nada pa mi, tende! Kereml Nico, bopor ta sigur cu ml no a acepta e herencia ey, y hamas lo ml reclamé. Bopor a keda sin casa cu Andrea. Ya ml a bisa Andy caba, cu e no tin mester di warda pa completa e dos anjanan. Ta ridiculo, pa boso keda molestia otro ml amigonan di casino. Asina ta cu un castillo no ta nada pa mi, tende!

Kereml Nico, bopor ta sigur cu ml no a acepta e herencia ey, y hamas lo ml reclamé. Bopor a keda sin casa cu Andrea. Ya ml a bisa Andy caba, cu e no tin mester di warda pa completa e dos anjanan. Ta ridiculo, pa boso keda molestia otro ml amigonan di casino. Asina ta cu un castillo no ta nada pa mi, tende! Kereml Nico, bopor ta sigur cu ml no a acepta e herencia ey, y hamas lo ml reclamé. Bopor a keda sin casa cu Andrea. Ya ml a bisa Andy caba, cu e no tin mester di warda pa completa e dos anjanan. Ta ridiculo, pa boso keda molestia otro ml amigonan di casino. Asina ta cu un castillo no ta nada pa mi, tende!

"Muchanan, keda keto un rato. Tin bishita. Sea corte y cuminda!" "E muchanan ey si!" Orguloso paternal na ombra den e mayoor su wowo. "Mi bon Condesa y Nico, esaki ta mi senjora Margarethe. E muchanan boso a weyta caba." Despues el a dirigi su mes na su senjora: "Nico ta esposo di Andy, Margarethe..... y ml primo. Nos no a weyta otro hopi tempo. Te dia cu mi tabata en busca di Andy, mi a bolbe topa cu mi familia." E senjora joven ta sonrel, mientras Nicota bulgover di su man. "Kier meen cu toch e historia bobo ey, tin un bon banda!" "Mi no ta compronde, di kiko bo ta papiando", e Conde a bisa cu un stem hees. "Awor ta pasa cu bo, mescos cu apasa cu nos", e mayoor abisa sonrelndo. "O?" e senjora abisa asombrá. "Andy noa contabo nada otro? Mi ta haya esey simpatico di dje. Pero laga nos ban sinta un rato". El a muestra riba e bunita stoelnan e curra y a continua bisando: "Wel, entre familia ml por wei di conta e historia. Mi tata tabata voogd di Andrea y tabata administra su riqueza. Pero el a cuminsa hunga placa y a perde. Despues cu l a perde tur su placa, el a cubri tur su gostonan cu Andy su placa. Como cu e placa no tabata ey mas, e nopor a duné su joyasnan bek tampoco.

E ta sigui.....

RIP KIRBY

Agente exclusivo di

FRIESCHE VLAG

pa cortesia di:

lechi evaporado y lechi en polvo

JAN BODEGOM & CO (ARUBA) N.V.

MAXWELL HOUSE KOFFIE.



CISCO KID



pa cortesia di:

ARUBA BOTTLING COMPANY

NESBITTS den varios sabor, e refrescan mas pidi y mas gusta na Aruba.



BUCHI ROBEZ



PEPITA


with compliments of

OFICINA MARITIMA DE ARUBA

DOCUMENTATION & TRANSPORTATION FOR INCOMING, LOCAL & OUTGOING CARGOES BY AIR, SEA AND LAND



DICK TRACY



Horoscopo personal

ARIES-21 di maart - 20 di april -Casi bo no por equivocá bo mes e dia aki tratando cu un sexo bunita. Esaki ta un dia masha especial pa muhernan.

TAURO-21 di april - 21 di mei Hasi bo decisionnan matutino encuanto un base provisional. Cambionan di parti atardi por alertá bo plannan.

GEMINIS-22 di mei - 21 di juni-Aprobecha e oportunidadnan nobo y cuminsa rapidamente pa traduci bo plannan pa un actividad practica.

CANCER-22 di juni - 23 di juli -Continua cu bo plannan te na un conclusion logico, pero corda tambe cu bo competidornan tabata pensando.

LEO-24 di juli - 23 di augustus-Atende e cosnan di rutina tempran e dia aki. Oportunidadnan pa un cambio quizas lo worde presenta na bo parti atardi.

VIRGO24 di augustus - 23 di september - Asuntunan personal y profesional mester drecha inesperadamente.

LIBRA-24 di september - 23 di october - Creciente bon influencianan mester trece suerte pa Libra cu tin bon plannan.

SPAAR PLACA!

CU TYRE

DUNLOP

PASOBRA NAN TA DURA MASI!

Agente na Aruba:

N.V. WARENHUIS VAN DER REE

Oranjestad - tel. 1213

ESCORPION24 di october - 22 di november -Probabilidadnan pa mehora ta masha bon.

Corda cu, si bo ke pa nan concede bo ideanan anto esaknan mester worde presenta.

SAGITARIO-23 di november -22 di december -Sagitario cu ta vigila e dia aki por perde e mañan aki, loke ta referi den mehoramentu di su profesion.

CAPRICORNIO-23 di december - 20 di januari -Unidad den superficie por sconde un falta interior di coherencia. Percura pa bo sa loke bo ta hasiendo prome cu bo serra porta.

ACUARIO21 di januari - 19 di februari-Compañeronan di trabao por ta di gran ayudo pa Acuario cu ta buscando apoyo na un nivel comun di comprension.

FISCIS-20 di februari - 20 di maart -Ganancianan ta acumula tantu na e empleado como e patron cu a nace bao di e signo aki. Sin embargo no exceda bo autoridad.

Mas candidato pa presidencia frances

PARIS, 12 Juni. - Como tercer contra candidato di De Gaulle na e eleccionan presidencial otro anja na Francia, a presenta e radical socialista, Andre Cornu. Prome cu Cornu e social demoraat Gaston Deferre y e hurista ultra derecho Tixier Vignancour, a participa cu nan lo tuma parti na e eleccion. E senador socialista a declara awe dito lo retira si haya un tal candidato. Cornu ta favorecedor di un Europa uni politicamente.